

Tūranga wātea pokerehū mō tētahi kanohi kaimahi



Inan wehe atu he kanohi kaimahi i te poari, ahakoa he aha te take, ka puta tētahi 'tūranga pokerehū' mō tō rātou tūranga.

Kei tā mātou [tūtohirere mō tētahi tūranga pokerehū o tētahi mema i pōtitia](#) tētahi tirohanga whānui o te hātepe me mātua whai tō poari hei whakahaere i tētahi tūranga wātea.

Kei [Te Wātaka 23 o Te Ture mō Te Mātauranga me te Whakangungu 2020](#) ngā ritenga e pā ana ki tēnei, engari ka whakamāramatia e mātou i konei, ki te reo ngāwari.

He pēhea e puta ai tētahi tūranga pokerehū?

Ka puta he tūranga wātea pokerehū ina pēnei tētahi kanohi kaimahi:

- Ka tukua ā-tuhitia tana wehenga atu ki te poari
- Ka mate, ka tino whara me te hē o te tinana rānei
- Ka wehe atu i te kura
- Kua kore e noho mai hei mema mō ngā kaimahi
- Ka noho mai hei tumuaki kairiwhi mō tētahi wā roa
- Kua kore e [māraurau kia noho hei mema poari](#)
- Ka ngaro pūputu tana kanohi mō ētahi hui poari, me te kore e whakaae a te poari ki tōna "wehenga i whakaaetia i mua".

Ka puta hoki pea tētahi tūranga pokerehū mehemea kāore i tae atu he whakaingoatanga mō te tūranga kaimahi i muri i tētahi pōtitanga.

Me mātua whakakī tētahi tūranga wātea pokerehū?

Āe.

Me noho mai te maha o ngā kanohi kaimahi i tō poari e whakahautia nei e tāna tūtohi.

Kia mārama: He rerekē ngā whakaritenga mō te whakakī tūranga i tētahi tau pōti ā-toru tau. Ki te puta tētahi tūranga wātea, tēnā whakapā mai ki tō mātou tira Tohutohu, Tautoko hoki. Ka taea e mātou te tuku tūtohu mō ōu āhuatanga ake.

He pēhea tō poari e whakakī ai i te tūranga pokerehū?

Me whakakī tō poari i tētahi tūranga wātea pokerehū mō tētahi kanohi kaimahi mā te whakatū pōtitanga motuhake.

Mehemea kei te whakatū pōti motuhake koe hei whakakī i te tūranga pokerehū, me mātua whakatau tō poari i te rā o te pōtitanga motuhake me te kopou i tētahi āpiha pōti mā te whakaae ki tētahi mōtini.

Ina whakatau koe i te rā o te pōtitanga motuhake, kia mārama, ka haere te hātepe pōti mō te 31 rā (me maumahara ki te tatau i ngā hararei).

Ka āhei koe ki te whakamahi i te [taputapu whakamahere pōti](#) hei tāuru i te rā pōti i kōwhiria hei rā pōti, ā, mā te taputapu e whakaputa wātaka tika mō ngā rā nunui katoa o te hātepe.

Kia oti te kopou a te āpiha pōti e tō poari, me rēhita te āpiha pōti i te paetukutuku [Pōtitanga Poari Kura](#) me te tiki ake i te [pukapuka Aratohu Pōtitanga](#).

Ko tā tēnei pukapuka he whakarārangi i ngā hātepe wātaka, pōtitanga kua oti te whakature, me whai e rātou.

He mea hira kia tukua ki tō āpiha pōti tētahi reta kopou, e whakarārangi ana i te rā pōti, te maha o ngā tūranga e tika ana kia whakakīa, tō rātou utu hoki (me he utu).

Ina whakarite te āpiha pōtitanga i te rārangi pōti, ka uru tonu atu ngā mema kaimahi tūmau katoa ki te rārangi (hāunga te tumuaki).

Ko ngā kaimahi takiwā mahi pūmau me kaimahi i whiwhi mahi mō ngā marama e rua, kua e poto iho, i te rā kati o te rārangi.

He mātua, he kaitiaki hoki ētahi kaimahi, nā reira, ka āhei rātou kia kōwhiri kia eke kia uru ki te rārangi pōti o ngā mātua i ngā pōtitanga ā-toru tau.

Ko ngā kaimahi i kōwhiri kia uru ki te rārangi pōti o ngā mātua i tērā pōtitanga ā-toru tau e kore e āhei kia whai wāhi ki tētahi pōtitanga motuhake mō te kanohi kaimahi.

Ka noho tonu rātou ki te rārangi pōti o ngā mātua taea noatia te pōtitanga ā-toru tau kei mua i te aroaro, kātahi kā āhei kia whakatau me ka hoki ki te rārangi kaimahi.

Haere ki tā mātou [paetukutuku Pōtitanga Poari Kura](#) mō ngā mea katoa e hiahia ana koe hei whakahaere i tō pōtitanga motuhake.

Kia maumahara, ka taea e Te Tāhuhu o Te Mātauranga te whakahoki moni ki a koe mō ngā utu ake, ngā utu hoki e tika ana o te pōtitanga motuhake (tae atu ki te \$96 mō tētahi pōtitanga kanohi kaimahi) – tirohia tō rātou paetukutuku mō ētahi atu mōhiotanga mō [ngā pūtea mō ngā pōtitanga poari kura](#).

Kia kore he tūranga wātea, me whakahou tō [rēhita mema poari](#) me whakakī hoki te puka [Whakahoutanga Poari Kura](#).

I muri i tētahi pōtitanga ā-pōti, me hari te rārangi me ngā pepa pōti ki te kōti ā-takiwā.

Ngā pātai pea mā te poari

- He tūranga wātea tēnei mō tētahi kanohi kaimahi?
- Kua whakaae tātou ki tētahi mōtini, kua āta tuhia hoki?
- Kei te mārama tātou ki ngā hipanga atu i tēnei rā?

Ngā tātauirā, ngā rauemi me ngā tohutoro

Pāwhiritia te (ngā) hononga i raro iho nei kia uru ki ngā tātauirā, ngā rauemi me ngā tohutoro o tēnei kaupapa.

Kei te āhua tonu o tō pūtirotiro, ka tīkina ake, ka tuwhera rānei i tētahi atu pūtirotiro.

He hononga mai i a mātou

- [Tūtohirere mō tētahi tūranga pokerehū o tētahi mema i pōtitia](#)
- [Aratohu ki te anga poari](#)
- [Rēhita mema poari](#)

Te paetukutuku pōtitanga poari kura

- [Te paetukutuku pōtitanga poari kura](#)
- [Puka whakaatu māraurau](#)
- [Ngā paearu māraurau](#)
- [Pānui tātauirā](#)
- [Taputapu whakamahere pōti](#)

Te Tāhuhu o Te Mātauranga

- [Ngā pūtea mō ngā pōtitanga poari kura](#)
- Te puka mō [Ngā Whakahoutanga Poari Kura](#)

Te Ture mō te Mātauranga me te Whakangungu 2020

- [Rārangi kaupapa 23 – Te pōti me te inoi mema poari mō ngā poari o ngā kura Kāwanatanga, te roa o ngā tūranga o ngā mema poari, me te māraurau](#)